



OSTERØY
verkstadene
2022

Lonevåg

Oppsummering:

Vi hadde ein veldig hyggeleg kveld saman på Osterøy bibliotek 21. mars 2022. Deltakarane var i alle aldrar, frå 7. klassingar til godt vaksne. Det var god stemning, og me jobba saman og i grupper med 4 prosjektidear som kan auka livskvaliteten, samhaldet i bygdene og på heile Osterøy.

Verdiar og viktige mål:

Vi byrja med å dela forteljingar om kva som er det gode, fysiske livet på Osterøy. Folk set pris på naboskap, og ikkje minst fellesskap gjennom fleire ulike aktivitetar som basketball, fiske, turgåing og dans. Seniordans vart nemnd som ein aktivitet som mange brenn for, og som gir ein viktig gnist i livet. For andre deltakarar var det basketball som gir denne gnisten i livet. Det er visst mange som vil spela basketball på Osterøy og mange som er flinke, men dei har ikkje gode baner der dei kan treffast og spela i lag. Sidan dei fleste er ungdommar, er det vanskeleg for dei å treffast, ettersom busstilbodet på Osterøy er utilstrekkeleg. Det kunne vore eit miljø der folk kunne oppleve meistring. Meistring kom òg opp når vi snakka om riding på Osterøy. Det er òg noko som gir oss glede og fridom.

Det gode livet var illustrert gjennom forteljingar om dei fine kafeane vi har enkelte stader på Osterøy og at naboar passar på kvarandre og bryr seg. Saman med den fantastiske naturen og dei mange turstiane har me eit grunnlag for vidare utvikling i lokalsamfunnet vårt! Verdiar og viktige stikkord vart så knytte til kvar enkelt av desse forteljingane. Gjennom diskusjon fekk vi lista med verdiar ned til tre hovudverdiar eller -mål som vi skulle bruka til å utforma idear for framtida:



Prosjektidear:

Inspirert av desse 3 kriteria, kom vi fram til 4 prosjekt som kan gjere lokalsamfunnet til ein endå betre plass for folk i ulike aldrar og med ulik bakgrunn. Vi sat i grupper og diskuterte følgjande:

Basketballag på
Osterøy

Dette prosjektet skal få basketball på dagsordenen og samla folk rundt denne idretten. Det er mange som spelar og som treng noko å samlast rundt: nokre gode basketballbaner og ikkje minst eit lag. Ideen skal vidareutviklast med å søkja pengar frå MED-fondet til å rusta opp ei bane. Forhåpentleg kan ein lage til eit arrangement eller turnering der ein kjend basketballspelar blir invitert. Bygdanytt kan komma og hjelpa til med å promotera dette miljøet. Elles skal eit idrettslag kontaktast for å høyra om dei kan starta opp eit lag. Då blir det lettare å søkja på tilskotsordningar som spelemidlar frå fylkeskommunen.



OSTERØY
verkstadene
2022

Lonevåg

Sportsbua

Dette prosjektet har som utgangspunkt å byggja ei fiskehytte på Osterøy der folk kan samlast og oppleve meistring. Sidan vi har fleire fiskeplassar på Osterøy vart ideen utvikla til å handla om ein møtestad der vi kan snakka i lag om fiske og etterkvart andre idrettar. På denne staden (i sportsbua), kan vi oppbevare forskjellig sportsutstyr som alle kan låna gratis. Vi treng ikkje noko finansiering for å byrja. Vi treng berre eit lokale, og å samla inn (fiske)utstyr frå lokalsamfunnet og sjå kor vi endar opp.

Friluftsområdet rundt Husavatnet

Dette prosjektet har som mål å fortsetja utviklinga av friluftsområdet rundt Husavatnet i Lonevåg som ein plass der alle frå 0 til 100 år kan samlast og vera fysisk aktive. Her må ungdommen inn i prosessen og komma med innspel. Kanskje treng vi ein landskapsarkitekt som kan sjå på området med nye auge. Vi vil gjerne få til ei badestrand, sklie, stupetårn, sandvolleyballbane og ei utescene. Ein flytande sti hadde vore bra slik at folk slepp å gå langs bilvegen når dei går rundt vatnet.

Fysak Osterøy

Dette prosjektet skal utvikla ein Fysak på Osterøy med utgangspunkt i dei to Fysak-husa som ligg i Bergen (<https://fysakbergen.no/>). Vi vil ha eit hus for eigenorganisert fysisk aktivitet på Osterøy. Det er ein stad å henga, låna utstyr og treffa folk. Det er ønske om fleire idrettar, mellom anna parkour, turn, airtrack, trampoline, og klatring. Barnehagane kunne òg brukt det på dagtid. Det er best å ha det i Lonevåg, men vi treng eit betre busstilbod! Det er bra for helsa, sosialt og gøy!

Vidare:

Først og fremst håper me at de gjennom diskusjonane vart inspirerte til å fortsetja arbeidet med desse prosjekta sjølv. Verdiane og prosjektideane som kom frå denne verkstaden kjem til å påverka utforminga av den nye kommunedelplanen for idrett og fysisk aktivitet. De har òg høve til å søkja finansiering (opptil 10 000 kr) frå MED-fondet (dette blir delt ut fortløpande fram til det er tomt). MED-fondet støttar lokale prosjekt der fokuset er på barn og ungdom, men også læring og samarbeid på tvers av generasjonar (<https://bit.ly/medfond>)

Tusen takk for ein fantastisk verkstad!

Kontakt:

Kommunedelplan for idrett og fysisk aktivitet: Linda Svidal Nordås (linda.svidal.nordas@osteroy.kommune.no), Wenche-Mari Bliksås (wenche-mari.bliksas@osteroy.kommune.no)

MED-Osterøy Ivar Sandgren (frem til 1. april) (Ivar.Sandgren@osteroy.kommune.no), og Mathew Stiller-Reeve (mathew@stillerreeve.no). Ungdomskoordinator, Silje Solberg (silje.solberg@osteroy.kommune.no) kan også hjelpe ungdommar med å setja idear ut i livet.